



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
Տ Ա Վ Ո Ւ Շ Ի Մ Ա Ր Ձ  
«ԲԵՐՂԻ ԲԺՇԿԱԿԱՆ ԿԵՆՏՐՈՆ»  
ՓԱԿ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ  
07806692

հեռ. /0267/ 2-14-02 Ֆաքս /0267/ 2-14-02 E-mail: berdmedikal@yandex.com  
ՀՀ Տավուշի մարզ ք.Բերդ Ա.Մանուկյան 25

26 օգոստոսի 2024թ.

N 343

«Էսզեթ Ֆարմ» ՍՊԸ (ՀՎՀՀ՝ 00498192)  
հասցե՝ ք. Երևան, Տիգրան Մեծ փ., 63/23

«Բերդի բժշկական կենտրոն» ՓԲ ընկերության կողմից կազմակերպված «ԲԲԿ-ԳՀԱՊՁԲ-24/13» ծածկագրով ընթացակարգի (այսուհետ՝ Ընթացակարգ) շրջանակներում մասնակցության հայտ է ներկայացրել «Էսզեթ Ֆարմ» ՍՊ ընկերությունը: Մասնակցության հայտի Հավելված 1-ով (ընթացակարգին մասնակցելու դիմում հայտարարություն) «Էսզեթ Ֆարմ» ՍՊ ընկերությունը հավաստել է, որ իրեն փոխկապակցված անձինք բավարարում են Ընթացակարգի հրավերով սահմանված մասնակցության իրավունքի պահանջներին: Գնահատող հանձնաժողովի կողմից հայտերի գնահատման արդյունքում «Էսզեթ Ֆարմ» ՍՊ ընկերությունը ճանաչվել է ընտրված մասնակից Ընթացակարգի 2, 3, 4, 6, 36, 40-47 և 51-րդ չափաբաժինների մասով, ինչից հետո «Բերդի բժշկական կենտրոն» ՓԲ ընկերության և «Էսզեթ Ֆարմ» ՍՊ ընկերության միջև 06.06.2024թ. կնքվել է ապրանքների մատակարարման ԲԲԿ-ԳՀԱՊՁԲ-24/13-3 ծածկագրով պայմանագիր:

ՀՀ Պետական վերահսկողական ծառայության կողմից իրականացված վերլուծությամբ պարզվել է, որ բժշկական կենտրոնի հետ 06.06.2024թ-ին կնքված ԲԲԿ-ԳՀԱՊՁԲ-24/13-3 պայմանագրով Վաճառող հանդիսացող «Էսզեթ Ֆարմ» ՍՊ ընկերության (ՀՎՀՀ՝ 00498192) 100 տոկոս բաժնետերը և իրական շահառուն հանդիսացող Երեմ Սարգսյանի և «Էսզեթ Ֆարմ» ՍՊ ընկերության (ՀՎՀՀ՝ 00433863) միջև առկա է փոխկապակցվածություն:

Համաձայն տեղեկագրում հրապարակված տեղեկատվության՝ «Էսզեթ Ֆարմ» ՍՊ ընկերությունը 2023 թվականի մայիսի 6-ից մինչև 2025 թվականի հունիսի 20-ը ներառյալ ընդգրկվել է Ցուցակում: Ցուցակում ընդգրկվելու պահի դրությամբ «Էսզեթ Ֆարմ» ՍՊ ընկերության 100 տոկոս բաժնետերը և իրական շահառուն հանդիսացել է Երեմ Սարգսյանը: Համաձայն ՀՀ կառավարության 2017 թվականի մայիսի 4-ի N 526-Ն որոշման 1-ին կետի 1-ին ենթակետով հաստատված կարգի (այսուհետ՝ Կարգ) 119-րդ կետի 2-րդ ենթակետի «ա.» պարբերության՝ գնումների հետ կապված հարաբերությունները կարգավորող Հայաստանի Հանրապետության օրենսդրության իմաստով՝ ֆիզիկական և իրավաբանական անձինք

համարվում են փոխկապակցված, եթե նրանք գործել են համաձայնեցված՝ ելնելով ընդհանուր տնտեսական շահերից կամ եթե տվյալ ֆիզիկական անձը կամ նրա ընտանիքի անդամը հանդիսանում է՝ տվյալ իրավաբանական անձի բաժնետոմսերի տասը տոկոսից ավելին տնօրինող մասնակից:

Կարգի 121-րդ կետով՝ մասնակցի՝ Օրենքի 6-րդ հոդվածի 1-ին մասի 6-րդ կետով նախատեսված ցուցակում ներառվելը, դրանում գտնվելու ժամանակահատվածում, ինքնաբերաբար հանգեցնում է վերջինիս հետ փոխկապակցված անձանց գնումների գործընթացին մասնակցության իրավունքի սահմանափակման:

Ելնելով վերոգրյալից և հիմք ընդունելով «Բերդի բժշկական կենտրոն» ՓԲ ընկերության և «Էսզեթ Ֆարմ» ՍՊ ընկերության միջև 15.03.2024թ. կնքված ԲԲԿ-ԳՀԱՊՁԲ-24/13-3 ծածկագրով պայմանագրի 8.3 կետի պահանջները՝ «Բերդի բժշկական կենտրոն» ՓԲ ընկերությունը 2024թ. օգոստոսի 23-ին միակողմանի լուծել է նշված պայմանագիրը:

Հաշվի առնելով վերոգրյալը՝ տեղեկացնում եմ, որ պայմանագրի կատարման և որակավորման ապահովման գումարները կազմում են համապատասխանաբար՝ 32815 (երեսուներկու հազար ութ հարյուր տասնհինգ) և 49223 (քառասունինը հազար երկու հարյուր քսաներեք) ՀՀ դրամ, որոնք անհրաժեշտ է վճարել «Բերդի բժշկական կենտրոն» ՓԲ ընկերության «Արդշինբանկ» ՓԲԸ «Տավուշ» մասնաճյուղում բացված 2477800186580010 հաշվեհամարին:

Միևնույն ժամանակ հայտնում եմ, որ «Գնումների մասին» ՀՀ օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝ խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը:

Տեղեկացնում եմ, որ եթե մինչև 2024թ. սեպտեմբերի 4-ը ներառյալ Ձեր կողմից վճարվի պայմանագրի կատարման և որակավորման ապահովման գումարները, ապա «Բերդի բժշկական կենտրոն» ՓԲ ընկերությունը «Էսզեթ Ֆարմ» ՍՊ ընկերությանը գնումների գործընթացներին մասնակցելու իրավունք չունեցող մասնակիցների ցուցակում ներառելու պատճառաբանված որոշումը չի ներկայացնի լիազորված մարմին:

Հիմք ընդունելով «Բերդի բժշկական կենտրոն» ՓԲ ընկերության և «Էսզեթ Ֆարմ» ՍՊ ընկերության միջև 06.06.2024թ. կնքված ԲԲԿ-ԳՀԱՊՁԲ-24/13-3 ծածկագրով պայմանագրի 8.3 կետի պահանջները՝ տեղեկացնում եմ, որ այդ պայմանագրով ձեռք բերվելիք ապրանքները «Բերդի բժշկական կենտրոն» ՓԲ ընկերության կողմից գնելու դեպքում «Էսզեթ Ֆարմ» ՍՊ ընկերությունը պարտավոր է փոխհատուցել գնային տարբերությունը՝ եթե նոր պայմանագիրը կնքվում է ավելի բարձր արժեքով, որի վերաբերյալ Ձեզ լրացուցիչ կձանուցվի:

Հարգանքով՝  
տնօրենի պեկ



Ք. Ծատուրյան